



### **Studenti Pravnog fakulteta u Zenici posjetili Tužilaštvo Zeničko-dobojskog kantona**

U utorak, 05.06.2018. godine Asocijacija za demokratske inicijative Sarajevo i Transparency international BiH, u saradnji sa Tužilaštvom Zeničko-dobojskog kantona i Pravnim fakultetom u Zenici organizovali su posjetu studenata I, II, III i IV godine Pravnog fakulteta Zenica Tužilaštvu Zeničko-dobojskog kantona.

U okviru ove posjete 26 studenata imali su priliku da kroz uvodno izlaganje zamjenika glavnog tužitelja Redže Delića upoznaju sa radom, nadležnostima, funkcionisanjem i organizacijom Tužilaštva kao pravosudne institucije. U nastavku posjete studenti su posjetili kancelariju tužitelja, sobu za audio vizuelno snimanje, kancelariju psihologa, upisnik – prijem / otprema pošte, arhiv, sudsku policiju, IKT salu i pritvorske ćelije. Također studenti su imali priliku da u okviru obilaska Tužilaštva razgovaraju sa uposlenicima svakog odjela, te da postavljaju pitanja i saznaju više o radu ovog Tužilaštva.

Posjeta je održana u okviru projekta “Jačanje povjerenja javnosti u tužilački sistem u BiH kroz unaprjeđenje transparentnosti i odgovornosti”, kojeg implementira Asocijacija za demokratske inicijative Sarajevo i Transparency BiH, a koji je finansijski podržan od strane Visokog sudskog i tužilačkog vijeća, Ambasade Norveške u Bosni i Hercegovini i Ambasade Švicarske u Bosni i Hercegovini.

